

**PEMBERITAHUAN PERTANYAAN BERTULIS DEWAN RAKYAT
MESYUARAT PERTAMA, PENGGAL KEDUA,
PARLIMEN KEEMPAT BELAS**

PERTANYAAN : BERTULIS
**DARIPADA : Y.B. TAN SRI DATUK SERI PANGLIMA HAJI
ANNUAR BIN HAJI MUSA**
[KETEREH]

SOALAN NO. 86

Y.B. TAN SRI DATUK SERI PANGLIMA HAJI ANNUAR BIN HAJI MUSA [KETEREH] minta **MENTERI KEWANGAN** menyatakan jumlah subsidi minyak yang telah ditanggung oleh Kerajaan dari Jun 2018 hingga Februari 2019 dan sejauh mana kaedah pengapungan mingguan ketika ini merupakan kaedah terbaik dan mampu meringankan beban pengguna.

JAWAPAN

Tuan Yang di-Pertua,

Untuk makluman Ahli Yang Berhormat, jumlah subsidi bagi produk petrol RON95 dan diesel yang telah ditanggung oleh Kerajaan bagi tempoh mulai Jun 2018 sehingga Januari 2019 adalah sebanyak RM3.804 bilion. Bagi bulan Februari 2019, jumlah tanggungan subsidi Kerajaan ke atas kedua-dua produk tersebut hanya akan dapat ditentukan pada penghujung bulan Mac 2019 iaitu selepas syarikat minyak mengemukakan tuntutan subsidi bulanan berdasarkan jualan sebenar produk petroleum bagi bulan Februari 2019.

Harga runcit produk petroleum pada ketika ini dibuat secara mingguan melalui kaedah apungan terkawal (*managed float*) berdasarkan formula *Automatic Pricing Mechanism* (APM). Penetapan harga runcit secara mingguan bertujuan untuk membolehkan pengguna menikmati perubahan harga runcit dengan lebih cepat apabila terdapat penurunan harga minyak di pasaran dunia.

Kerajaan juga telah mengurangkan had harga runcit kepada paras RM2.08 seliter bagi produk petrol RON95 daripada harga RM2.20 seliter yang ditetapkan oleh kerajaan BN lama dan RM2.18 seliter bagi produk diesel. Ini bermakna apabila harga sebenar pasaran adalah melebihi had harga runcit tersebut, harga runcit bagi kedua-dua produk akan dikekalkan pada paras RM2.08 seliter bagi petrol RON95 dan RM2.18 seliter bagi diesel. Pengekalan harga runcit ini adalah selaras dengan hasrat Kerajaan Pakatan Harapan untuk menstabilkan harga runcit produk petroleum dan mengurangkan kos sara hidup rakyat.